



Bosna i Hercegovina  
Federacija Bosne i Hercegovine  
GRAD ZENICA

U sklopu projekta „Stvaranje prihoda i radnih mjesta u poljoprivrednom sektoru u Bosni i Hercegovini -(IGAS) 2016-2020" i projektnih aktivnosti "Plastenička proizvodnja povrća 2017-2018 u Gradu Zenica" i na osnovu Sporazuma zaključenog između Grada Zenica i NVO „Caritas Švicarske“, broj:02-49-21984/17 od 21.12.2017. kojim su osigurana donatorska sredstva od strane „Caritas Švicarske“ 25 %, Grad Zenica 55 % i vlastitog učešća korisnika 20 %, u cilju razvoja plasteničke proizvodnje na području Grada Zenice za 50 korisnika, Gradonačelnik raspisuje:

**JAVNI POZIV**  
**za predaju zahtjeva za dodjelu plastenika od 100 m<sup>2</sup> sa dodatnom opremom putem**  
**sufinansiranja u projektu**

**I PRAVO UČEŠĆA**

Pravo na učešće u Projektu imaju nezaposlene osobe, prvenstveno mladi i žene sa područja grada Zenica koje posjeduju vlastito poljoprivredno zemljište ili njihovi uži članovi porodice kao i zemljište ustupljeno na korištenje ili u zakup u neposrednoj blizini stambenog objekta u kojem stanuju.

**II USLOVI ZA DODJELU PLASTENIKA**

**Podnosioc zahtjeva treba da ispunjava slijedeće uslove:**

1. da je nezaposlena osoba ili osoba sa minimalnim primanjima,
2. da je upisan u Registar poljoprivrednih gazdinstava i klijenata u gradu Zenica ili će pokrenuti postupak upisa, a što će potvrditi ovjerenom izjavom da će se upisati u Registar poljoprivrednih gazdinstava i klijenata prije dodjele plastenika,
3. da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju a koje se nalazi u neposrednoj blizini stambenog objekta u kojem stanuje,
4. da ima mogućnost navodnjavanja plastenika,
5. da sufinansira 20% od nabavne cijene plastenika sa pratećom opremom,
6. da obavezno prisustvuje edukaciji iz oblasti plasteničke proizvodnje u trajanju od dva dana.
7. da ne posjeduje plastenik

Grad Zenica i Caritas Švicarske su nosioci aktivnosti vezanih za realizaciju Projekta.

### III KRITERIJI ZA DODJELU PLASTENIKA

Kriteriji za bodovanje podnosioca zahtjeva:

- a) pogodnost vlastitog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta), 1-3 boda,
- slabi uslovi (veliki nagib, udaljenost od kuće više od 200 m) 1 bod
  - dobri uslovi (relativno veliki nagib, udaljenost od kuće do 100 m) 2 boda,
  - jako dobri uslovi (blagi nagib, blizu kuće, dobar pristup) 3 boda.

**Kandidati kod kojih se na terenu utvrdi da ne posjeduju poljoprivredno zemljište pogodno za plasteničku proizvodnju (npr. veliki nagib, veličina parcele i sl.) ili nemaju mogućnosti za navodnjavanje neće se bodovati, te se njihove prijave neće uzeti u razmatranje.**

b) dodatni bodovi po osnovu pripadnosti jednoj od dole navedenih kategorija:

- podnosilac zahtjeva nezaposlen (vrijeme provedeno na birou za zapošljavanje), od 1-4 boda,

- od 0-3 god. 1 bod,
- od 3-6 god. 2 boda,
- od 6-10 god. 3 boda,
- više od 10 god. 4 boda,

- za svakog punoljetnog nezaposlenog člana porodice, koji se nalazi na evidenciji nezaposlenih osoba Biroa za zapošljavanje – 1 bod,

- za svakog izdržavanog člana porodice (nezaposlene osobe koje se ne nalaze na evidenciji nezaposlenih osoba na Birou za zapošljavanje -domaćice , djeca, učenici i sl.) – 1 bod,

- mlade osobe životne dobi do 35 godina – 5 bodova,
- ako je podnosilac zahtjeva samohrani roditelj – 2 boda
- socijalni aspekt -nema primanja-7 bodova
- socijalni aspekt-minimalna primanja po članu do 100,00 KM -6 bodova
- socijalni aspekt – minimalna primanja po članu domaćinstva do 200,00 KM -5 bodova,
- socijalni aspekt – minimalna primanja po članu domaćinstva do 250,00 KM - 4 boda,
- socijalni aspekt – minimalna primanja po članu domaćinstva do 300,00 KM - 3 boda,
- socijalni aspekt stanje na terenu: 0-4 boda.

c) dodatni bodovi za rizičnu zonu-Zona I -2 boda (Tetovo, Pehare, Gradišće)

Kada kandidati pri bodovanju imaju isti broj bodova, prednost će imati kandidati koji imaju status mlade osobe i žene .

### IV POTREBNA DOKUMENTACIJA

Potrebna dokumentacija za dodjelu plastenika mora biti originalna ili ovjerena:

1. obrazac za prijavu na Javni poziv
2. CIPS prijavnica podnosioca zahtjeva ,
3. kopija lične karte,
4. ovjerena kućna lista,
5. dokaz o nezaposlenosti kandidata izdat od Biroa za zapošljavanje ili potvrda da osoba nije poreski obveznik,
6. dokaz o nezaposlenosti svih punoljetnih članova porodice izdat od Biroa za zapošljavanje ili neki drugi dokaz o nezaposlenosti (kopirana zdravstvena knjižica),
7. potvrde iz škole/fakulteta za djecu/izdržavane članove domaćinstva,
8. potvrda o visini primanja zaposlenih članova domaćinstva

9. vlasništvo ili posjed nad parcelom koja se namjerava koristiti za podizanje plastenika (kopija ZK izvadka ili Posjedovnog lista, kao i ugovor o zakupu/korištenju),
10. ovjerena izjava da ne posjeduje plastenik u svom vlasništvu,
11. ovjerena izjava da će korisnik podsticaja dobiveni plastenik zadržati u vlasništvu najmanje 2 godine od potpisivanja Ugovora,
12. ovjerena izjava da podnosilac zahtjeva u posljednjih 5 godina nije ostvario pravo na donaciju, dodjelu ili sufinansiranje nabavke plastenika od Grada, ministarstva, humanitarnih i drugih organizacija,
13. ovjerena izjava da će sufinansirati 20% od nabavne cijene plastenika sa pratećom opremom, te da će obavezno prisustvovati edukaciji iz oblasti plasteničke proizvodnje u trajanju od dva dana,
14. dokaz da je samohrani roditelj (ovjerena kućna lista).

## V PROCEDURA ODABIRA KORISNIKA

Komisiju za odabir krajnjih korisnika za dodjelu plastenika sa pratećom opremom putem sufinansiranja u saradnji sa humanitarnom organizacijom čine: 1 predstavnik "Caritas Švicarske" i 2 predstavnika Grada.

Zadatak Komisije za dodjelu plastenika je:

- pregled prispjelih prijava, provjera upisa u RPG u nadležnoj službi evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostavlja Gradonačelniku.

Saglasnost na predloženu rang listu kandidata daje Grad Zenica i Caritas Švicarske.

Rang lista odabranih kandidata će biti objavljena na oglasnoj ploči Grada i službenoj web stranici Grada Zenica.

### NAPOMENA:

Kandidati koji ostvare pravo na dodjelu plastenika obavezni su prisustvovati edukaciji u trajanju od dva dana.

Obrasci zahtjeva za prijavu mogu se preuzeti na infopultu Grada Zenica i zajedno sa dokumentacijom predati u zatvorenoj koverti na protokol Grada Zenica sa naznakom „Za javni poziv za dodjelu plastenika“, a rok za podnošenje zahtjeva je 15 dana, od dana objavljivanja javnog poziva u sredstvima javnog informisanja Grada Zenica (RTVZenica), web stranici Grada Zenica [www.zenica.ba](http://www.zenica.ba), te na oglasnoj ploči Grada Zenica. Sve dodatne informacije mogu se dobiti u Službi za ekonomske odnose i poduzetništvo Grada Zenica, ili na broj telefona 032/447 698 svakim radnim danom od 08:00-15:30 sati.

**Javni poziv ostaje otvoren do 02.02.2018 . godine do 16:00 sati.**

Nepotpune i neblagovremene prijave se neće uzeti u razmatranje.

### DOSTAVITI:

1. Caritas Švicarske, Travnička 1.Sarajevo
2. Oglasna tabla Grada Zenica
3. Web stranica Grada Zenica
4. Gradonačelnik
5. Služba za privredu i finansije
6. RTV Zenica
7. A/a



Broj: 02-48-1073/17  
Datum: 17.01.2018